

四庫全書

史部

欽定四庫全書

史部

浙江通志卷二十一

詳校官給事中臣戴璐

檢討臣德生覆勘

總校官編修臣倉聖脉

校對官學正臣湯垣

謄錄監生臣劉廷勲

欽定四庫全書

浙江通志卷二十

山川十二

溫州府

永嘉縣
附郭

華蓋山 萬歷溫州府志一名東山在郡東偏城沿

其上郡城九斗山此山鎖其口有容成太玉洞道

書為天下第十八洞天又有石龜池三生石青牛

塢丹井蒙泉諸勝

楊瑞華蓋山詩七山如北斗城
鎖幾重重斗口在何處正當華

蓋峰朱與尊太玉洞詩亭亭五粒松華
蓋神君宅風吹寸草生依然綠袍色

積穀山

名勝志在城東南隅山形圓正如高廩故

名萬厯溫州府志又名飛霞山城沿其上麓有謝

客巖謝靈運書白雲曲青吟草於崖上今蕪沒惟

謝客巖三字存又有飛霞洞春草池

松臺山

萬厯溫州府志在郡治西又名淨光山

朱與

尊松臺山詩蒼蒼山上松颯颯松
根雨松子落空山朝來不知處

海壇山

永嘉縣志在縣治東北其支阜為慈山坐

鎮海門內外最關郡城來龍舊云海壇沙漲溫州
出相宋陳宜中明黃淮張孚敬皆應之

郭公山 萬歷溫州府志在郡西北晉郭璞登此山
卜居故名

湧泉 太平寰宇記永嘉華蓋山周回九里遙望似
華蓋有湧泉旱則水不減雨則水不加謝公與從
弟書云地無佳井賴有山泉

謝池 嘉靖浙江通志謝靈運嘗游息於上池水澄

湛俗呼靈池

張又新謝池詩郡郭東南積穀山謝公曾是此躋攀今來惟有靈池月猶

自嬋娟

一水間

永嘉縣

城外山川

金丹山

名勝志去城西三里有三峰色如丹霞

巽吉山

萬厯溫州府志去城東南二里當郡治巽

位世傳白玉蟾駐鶴於此

陳高遜陸有章分題得巽山詩巽山如層臺積

翠俯城郭古木秀松楸元鳥隱樓閣雨散飛素雲風靜語丹鶴游人日躋攀杖履相繹絡陸郎吳中求雅志放丘壑哦詩松間題攜尊石上酌我性亦愛山方期結幽約於焉送子去登陟慘不樂遠別

已傷懷真境况寥落佇
立睇大江孤舟入冥邈

仁王山 萬厯溫州府志去城南五里旁有小阜曰

湖嶼正對府治

黃土山 永嘉縣志在吳吉山側

靈官山 溫州府志在府城南五里一名覆釜林靈

素塋此故名按郡城九斗松臺郭公海壇華蓋為

斗魁積穀吳吉仁王為斗柄黃土靈官為左右輔

弼

賜輿山 溫州府志在府城南十里下有賜湖

孤嶼山 江心志在郡北江中因名江心東西廣三

百餘丈南北半之距城里許初離為兩山築二塔

於其巔中貫川流為龍潭川中有小山即孤嶼宋

時有蜀僧清子以土室龍潭聯兩山成今址孤嶼

之椒露於佛殿後

謝靈運登江中孤嶼詩江南倦歷覽江北曠周旋懷心道轉迢

尋異景不延亂流趨正絕孤嶼媚中川雲日相輝映空水共澄鮮表靈物莫賞蘊真誰為傳想像崑

山姿緬邈區中緣始信安期術得盡養生年張人新孤嶼詩碧水逶迤浮翠嶽綠蘿蒙密媚晴江不

知誰與名孤嶼其實中川是一雙文林孤嶼詩孤嶼蒼茫雲水鄉魚龍吹浪濺僧房暗潮浮動乾坤小高樹遙連吳越長千古江山根地軸幾人功業破天荒謝公亭畔題詩石半蝕蒼苔宇兩行

東山 太平寰宇記去城西四里其山北臨永嘉江東接蒼海

西山 溫州府志在府城西五里連峰疊巘如列畫屏若護國山甌峰紫芝峰慈雲峰簞竹峰瑞鹿峰皆其支也又有愛泉鑒泉玉乳泉飲鶴泉虎跑泉龍珠塢丹充洞赤松洞雲霞壘桃花澗小雁谷藏

春谷諸勝為登覽勝地

凌福山 溫州府志在府城北六十里一名雞嶼山

峙永寧江中

羅峰山 嘉靖浙江通志山在羅溪之上

吹臺山 名勝志在府城南二十里上有王子晉吹

笙臺下有飲鶴泉山之陰屬永嘉山之陽屬瑞安

太平寰宇記吹臺山其山狀如樓臺下有飛泉石池生椅梧及笙簫之竹梁丘遲為太守常採琴材寄吳興柳文暢張入新題吹臺山詩吹臺山上綵煙凝日落雲收疊翠屏應謂焦桐堪采斲不知誰

是柳
吳興

慈湖山

竹塋山

舊浙江通志俱府城南二十里

太平山

溫州府志在府城西八里山北臨江有太

平嶺

大羅山

嘉靖浙江通志在縣西南四十里溫州府

志上有菊花潭臥龍潭玉涵潭龍鬚潭飛來巖動

石茶山霹靂尖萬厯溫州府志唐劉沖隱此明少

師張孚敬羅峰書院在其下

挂綵山 舊浙江通志在府城東北二十里永嘉縣志其石壁立燦爛若綵繡然故名

岷岡山 溫州府志在府城西南三十五里亂峰環簇如蓮花瓣宋儒戴溪讀書於此

五峰山 萬厯溫州府志在建牙鄉俗稱丁公山有西華洞乃右弼真人吹簫地

瞿溪山 萬厯溫州府志在郡西南五十里太平寰宇記沿山石壁高十二丈古老傳云是石室步廊

謝靈運過瞿溪山飯僧詩迎旭凌絕磴映弦歸淑
浦鎖煙斷山木拚岸堙石戶結架非丹甍藉田資
宿莽同游息心客峻然若可睹清宵颺浮煙空林
響法鼓忘懷狎鷗鰒攝生馴兕虎望嶺眷靈鷲延
心念淨土若乘四
等觀永拔三途苦

瞿嶼山

嘉靖浙江通志在城東二十里獨峙江濱

吳義士瞿素所居

石鼓山

溫州府志在府城西四十里名勝志山有

石如鼓扣之則響

謝靈運登上戍石鼓山詩旅人
心長久優優自相接故鄉路遙

遠川陸不可涉汨汨莫與娛發春托登躡歡願既
無並戚慮庶有協極目睎左濶回顧眺右狹日永

澗增波雲生巔逾疊白芷競新苔綠蘋齊初葉摘
芳芳靡謏喻樂樂不變佳期緬無緣騁望誰云愜

青嶂山 萬歷溫州府志在郡城西北四十里即陶

貞白隱居之地宋柯可崇於此辟穀麓有陶真君
祠

羅浮山 名勝志在永寧江北岸與孤嶼相望永嘉

記云秦時從海上浮來

張又新羅浮山詩江北重
巒積翠濃綺霞遙映碧芙蓉

卷不知來後滄溟上
減却瀛洲第幾峰

永寧山 舊浙江通志一名北山在江北郡之主山

也綿亘賢宰仙桂永寧清通四鄉

綠嶂山 萬歷溫州府志在府城北永寧之支也

謝靈運

運登綠嶂山詩褰糧杖輕擎懷遲上幽室行源逕轉遠距陸情未畢淡澍結寒姿園樂潤霜質澗委水屢迷林迴巖逾密眷西謂初月顧束疑落日殘夕奄昏曙蔽翳皆周悉盡上貴不事履二美貞吉幽人帝坦步高高邀難匹頤阿竟何端寂寂抱寄一恬如既已交繕性自此出

白茶山 茶經永嘉圖經縣東三百里有白茶山

華嚴山 名勝志在府城北八里有石可為硯王右

軍帖云近得華嚴石頗佳即此

石門山 溫州府志在府城北十五里賢宰鄉

謹按溫州永嘉石門山無瀑布謝靈運邱遲石門諸詩括蒼彙紀俱載入青田石門山下萬歷溫州志則係之永嘉觀唐邱丹奉使過石門觀瀑詩有吾祖昔登臨謝公亦游衍之句而李善注文選引靈運游名山志云石門遡水上入兩山口兩邊石壁下臨澗水正與青田石門瀑布合今青田縣劉宋時屬永嘉郡則謝公所遊處當在青田不得以永寧支山混之也

破石山 名勝志在城西北二十里臨江壁立如張

帆水上安溪遶其下上接青田惡溪七十二灘之水東流入蜃江元豐九域志永嘉記云永嘉江岸

有枯石乃堯時神人以破石為堆將入惡溪置之
溪側遙望有似張帆

石櫃山 溫州府志在府城西北一百八十里名勝
志上有方石狀如櫃舊傳黃帝絨玉版篆冊於此

石室山 嘉靖浙江通志在府城東七十里上有石
夫人及瀑布泉太平寰宇記石室山南溪入一百

二十里有石室可坐千人

謝靈運石室山詩清旦
索幽異放舟越垌郊莓

莓蘭渚急藐藐苔嶺高石室冠林
隙飛泉發山椒
虛泛經千載崢嶸非一朝
鄉村絕聞見樵蕪限風

霄微戎無遠覽絕筭羨升喬靈越久韜隱
如與心賞交合歡不容言摘芳弄寒條

天臺山 名勝志在大若巖之北環列一十三峰中

有傳巖瀑布蟾蜍石龍聽洞石柱諸勝

青巖 名勝志在府城東北二百里海中兩山對峙
如門宋永明中郡守顏延之於此築亭觀海

大若巖 萬歷溫州府志在府城西北一百五十里
又名赤水山為天下第十二福地乃地仙李方回
所治梁陶宏景於此纂集真誥故又名真誥巖吳

甘露中道士傳隱遙亦於此飛昇此山地勢幽阻

水石清竒略如雁蕩云

尹廷高真誥巖詩真人仙去久洞穴尚谿衍殿滴空

巖雨廊穿別嶂霞對門孤石峭開牖亂峰斜欲跨
蟾蜍背騰空采月華林清源大若巖詩山行一百
五十里人家鷄犬如桃源上有太古白石洞中是
羣仙煉丹壇人間風雨不敢到梁時棟宇今猶存
陶公真誥已入奏孺子崑崙去未還帝遣蛟龍護
靈石時聞鐘鼓鳴空山簫臺迴光日月白河漢挂
影星辰寒休糧道士逐白犬種桃金母驅青鸞千
年茯苓長根蒂百歲老人古衣冠曾聞赤水出巖
洞飲者白日生羽翰前朝此地禁樵採邇來勝致
多凋殘長松滴露封丹竈獨鶴銜煙鎖洞門神仙
有樓不肯住我輩走馬何時閒願分半間明月屋
自種數畝枸杞園巖頭獨坐洗塵耳消此兩澗清

潺湲

童子峰 三洞羣仙錄朱孺子居大若巖見二花犬
入枸杞叢下掘得根烹食之飛於峰上雲擁而去
今謂之童子峰

甌海 溫州府志在府城東九十里一名蜃海城北
甌江即海之支江也江流東至磐石寧村會於海
洋洋無際涯是謂甌海海山之際常有蜃氣凝結
忽為樓臺城櫓忽為旗幟甲馬錦幔

甌江 太平寰宇記一名溫江東達大海西通處州

青田溪名勝志舊名慎江一名蜃江一名永嘉江

永嘉縣志潮汐往來旁流四達東西接台處二郡

南北抵瑞樂兩邑內通三洲四溪及十三鄉十三

浦無不悉貫焉

張子容泛永嘉江日暮迴舟詩無雲天欲暮輕鷁大江清歸路煙中

遠迴舟月上行傍潭窺竹暗出嶼見沙明更值微風起乘流絲管聲

蜃川 萬歷溫州府志在府治西或云即浣沙潭自

西南至西北凡七曲有放生池樂湖荷花灣西淑

廟灣綺川虹橋匯津漁郎洞以西城枕水如臥蜃之象故名蜃川

會昌湖 溫州府志在府城西南五里名勝志唐會昌四年刺史韋庸重浚因名又分為南湖西湖總謂之會昌湖也

楠溪 太平寰宇記在州西南十五里水入溫江溫州府志源出台州仙居諸山與賢宰永寧清通仙居四鄉水合流為櫟樟羅藤蓬珍小李八溪至潮

滌合入永寧江

樂清縣

縣後山 萬厯溫州府志一名翔雲峰厯台之仙居
及永嘉柘溪西北皆高山大谷至縣後雜沓若翔
雲然縣治建於山麓

東塔山 萬厯溫州府志在縣治東有峰如筆宋紹
興二十六年景雲見其上明年王十朋廷對第一

西塔山 樂清縣志一名馬院山在縣治西與東塔

山對下瞰阡陌室家如魚鱗然

九牛山 萬厯溫州府志在縣治東有大石九遠望若牛又名謝公山以靈運常游此

丹霞山 萬厯溫州府志在縣治西舊名白鶴山山色多丹本名赤巖唐天寶六年改今名晉張文君煉丹於此太守王羲之訪之遁入竹不獲見下有

金星溪其石名金星石巖下有招賢巖丹霞塢

張

新白鶴山詩白鶴山邊秋復春文君宅畔少風塵欲驅五馬迎真隱誰是當年入竹人周郊白鶴山

詩簇簇峰巒繞四圍
神仙舊隱歎今非
溪中不見金沙出
山外空驚白鶴飛
石上瀑泉清照眼
竹間嵐氣冷侵衣
玉簫聲斷人何處
千古煙雲鎖翠微

簫臺山 名勝志一名玉簫峰相傳王子晉吹簫之

所其麓有沐簫泉

王十朋簫臺山詩蠟屐穿雲去
山深喜路通人家煙色裏古寺

水聲中金灘星猶在丹成竈已空
吹簫人不見臺下想仙風
皇甫登簫臺訪沐簫泉詩仙踪詎可
扳荒臺尚堪訪簫弄清泉中
駟振紫巖上波動若驚沉雲飄
似鳬往浮雲本無垢托心在塵想
花溪如有靈應流蓋山響

蓋竹山 舊浙江通志在縣西三里其上有蓋竹洞

天俗呼楊八洞奇峰怪石峻峭幽深舊八洞今止

三洞可通

陳布文游蓋竹洞天詩劉阮游來境絕嘉復於蓋竹問仙家天開洞府少行跡

煙冷丹爐空舊砂茅屋雲深有雞犬石田春暖長桑麻桃源景物知無異溪上東風幾度花

西際山

萬厯溫州府志在縣西三里三面蒼崖峭

立惟東軒豁如門前臨大海瀑布懸崖而下

章輿山

溫州府志在縣西十二里一名雙峰

湖橫山

盤谷山

舊浙江通志俱縣西十里嘉靖

浙江通志湖橫山石崖橫亘澗水出自深谷盤谷

山東臨於海宋時王十朋孫閏讀書於此

左原山

嘉靖浙江通志在縣東北三十五里羣山

環繞中有田二千餘畝居民悉藏谷中一峰如卓
筆更有四景曰梅溪曰蓴湖曰左嶺曰小雁蕩

白石山

樂清縣志在縣西三十里一名白石巖唐

天寶間改名五色山高千丈周回二百三十里純
石無土木乃十二真君所居之地名白玉洞天石
色如玉亦名玉甌峰溫州府志宋太平興國中羽

士李少和居此山下有白石徑為謝靈運行田之

所

謝靈運白石巖下徑行田詩小邑居易貧災年

蕪穢積頽齡饑饉不可久甘心務經營千頃帶遠
隄萬里瀉長汀州流涓澮合連統塋埒并雖非楚
宮化荒闕亦黎萌雖非鄭白渠每歲望東京天鑒
尚不孤來茲驗微誠張又新白石巖詩白石巖前
湖水春湖邊舊境有清塵欲追謝守行田意今古
同憂足長人王十朋白石巖詩十里湖田翠黛橫
西溪寒玉關琮琤路從飛鳥上頭過人在白雲高
處行巖下行田謝康樂洞中辟穀李先生凭闌下
瞰人間世轉覺此身名利輕趙帥秀白石巖詩誰
炷清香禮少君數聲清磬夢中聞起來閑把青衣
袖裏得闌干一片雲

石船山 萬厯溫州府志在縣西五十三里嘉靖浙

江通志山腹有石如船

赤水山 萬厯溫州府志以水色名一名赤巖山又名峽山有石室及錢池潭潭中有龍居焉

盤嶼山 太平寰宇記在州西北七十里海畔上有

淡水溫州府志其下為盤石衛

謝靈運行田登海口盤嶼山詩羈苦

執云慰觀海藉朝風莫辨洪波極誰知大壑東依稀採菱歌彷彿含顰客遨遊碧沙渚游行丹山峰

靈府山 樂清縣志在象浦太平寰宇記一名鬼府

山云地官所理

芙蓉山 太平寰宇記去瞿口五十里西南上三峰
有四聳石並高三四尺森然如芙蓉相映因名

石埭山 嘉靖浙江通志一名石帆山在縣東三十
里山之後有大石高丈餘若片帆然磨石山西山
橫嶼山皆其支山也

黃塘山 溫州府志在縣東四十五里嘉靖浙江通
志羣峰環合林木陰翳雙溪自西北來沿流於其

下又東五里曰大崧山曰小崧山因以名其村赤水川之源出焉

雁蕩山 名勝志跨樂清平陽二縣北雁蕩在樂清之東南雁蕩在平陽西南各去縣一百里諸峰峭拔險怪上聳千尺皆包諸谷中自嶺外望之都無所見至谷中則森然干霄嘉靖浙江通志東聯溫嶺西接白巖南跨玉環北控蒼山頂上有湖水常不涸春雁歸時多宿於此故名山有東西内外谷

東外谷之峰五東內谷之峰四十有八西內外谷之峰各二十有四建寺一十有八各有殊名皆宋以來好事者所命也

雁山志宋太平興國元年永嘉僧全了游至剡州遇天竺

僧言汝緣在浙當得名山有諾詎羅尊者道場數適當興詰其所曰地以花名山以鳥名中有龍湫宴坐此尊者棲息處也二年歸至海濱問父老曰此芙蓉村雁蕩山也了大感悟結菴曰芙蓉菴天聖九年僧文吉又居山之東曰碧霄菴靈跡始顯夢溪筆談溫州雁蕩山天下奇秀然自古圖譜未嘗言祥符中因造玉清宮伐木取材方有人見之謝靈運守永嘉凡佳山水游歷殆遍獨不言此山蓋當時未有雁蕩之名耳詩話總龜溫州雁蕩山自古圖史不載按西域書云諾詎羅居震旦東南

大海際雁蕩山芙蓉峰龍湫唐貫休作贊云雁蕩
經行雲漠漠龍湫晏坐雨濛濛此山南有芙蓉峰
下有芙蓉驛前瞰大海山頂有大池相傳以為雁
蕩有二潭以為龍湫又有經行臺晏坐峰皆以貫
休詩得名也呂夷簡重游雁山詩往來游海嶠上
徹最高層雲外從無路山中忽見僧虎蹲臨澗石
猿挂半巖藤何日拋龜紐孤峰上再登左緯雁山
詩亂山無限好幽逕有時迷石骨秋偏瘦松梢老
却低天寒聞雁過月白見烏栖海上知名地無人
識馬蹄林景熙過北雁宕山下詩驛路入芙蓉秋
高見早鴻蕩雲飛作雨海日射成虹一水通龍穴
諸峰盡佛宮如何靈運屐不到此山中顧璘入雁
山詩春歸幽谷見桃花問訊安期海上家石壁虛
無通雁宕星河漂轉坐龍槎林香定有千年藥雲
氣皆成五色霞且訪名山
消俗慮未論勾漏隱丹砂

楚門山 嘉靖浙江通志在縣東南一百九十里海
中其峽如門廣二十步海船皆由此出入

南閣山 溫州府志在縣東一百二十里

盤山 溫州府志在縣東北一百四十里有盤山嶺
黃巖縣界

謝公嶺 李孝光雁山十記自石梁南出五百步折
而西行過謝公嶺嶺東居人多謝姓故名或曰地
舊屬臨海郡謝靈運開山至此因名

常雲峰

李孝光雁山十記雁山西南一峰絕高其

上常有雲氣居人呼曰常雲

黃羊巖

溫州府志在湖上巖北連覆盤西連白石

直插霄漢舊傳見黃羊在其下

館頭江

嘉靖浙江通志在縣西南六十里水自永

嘉之蜃江東下至盤石入於海

芙蓉川

溫州府志在縣東七十里亦名港一自小

芙蓉南至芙蓉塘口入江一自雁蕩山西外谷至

長嶽為大川入江

擗川 樂清縣志在縣西柳市至盤石入海

雁湖 雁山志一名平湖溫州府志在雁蕩山頂方
十里半為蕝林餘皆水草雁多集之

白石湖 溫州府志在縣西三十里一名合湖自盤
谷諸山澗分為東西兩溪出五六里合而為湖

斤竹澗 雁山志在能仁寺東南峽中經龍平塘入

海口

謝靈運從斤竹澗越嶺溪行詩猿鳴誠知曙
谷幽光未顯巖下雲方合花上露猶泣逶迤

傍隈陝迢遞陟崕峴過澗既厲急登棧亦陵緬川
渚屢往復乘流玩迴轉蘋芷泛沉深菰蒲冒清淺
金石挹飛泉攀林摘葉卷想見山阿人薜蘿若在
眼握蘭勤徒結折麻心莫展情用賞為美事味竟
誰辨觀此遺物
慮一悟得所遣

大龍湫 名勝志在雁山西谷水自雁湖合諸溪澗

會成巨淵淵側石檻有龍窟如井深窈不測檻中

作凹石壁數百仞水從凹中瀉下望之若懸布隨

風變態縱橫不一徐宏祖游雁蕩山記大龍湫水

出絕頂之南常雲峰之北夾塢中即其源也

陳去非題

大龍湫詩曉行蒼壁中窮處乃高崖白龍三百丈
飲下層巔來映日灑飛雨繞山行怒雷潭影納浩
蕩雲氣扶崔嵬小儒歎造化辨此何雄哉亦知天
下絕尊者所徘徊三生清淨願俗緣故難開踐勝
吾豈敢猶首尚興衆林清源題大龍湫和李五峰
韻詩雁宕峰頭春水生無邊木葉作秋聲六龍捲
海上霄漢萬馬嘶風下雪城春盡不知陽鳥去巖
高惟許白雲行故人家住青山下野竹寒流亦有
情

小龍湫 溫州府志在雁山東谷從巖澗中飛流而
下高三千尺

象浦 方輿勝覽在縣西六十七里

三原灣 廣博物志樂成縣三原亭灣水清如鏡此
灣無所不容有人能食者常自譬腹如三原灣無
所不容見永嘉郡記

白沙海 溫州府志在縣東南橫亘二百餘里南望
海之外則有青嶼倪畧靈昆東望海之外則有玉
環雞籠洋青鹿西橫列海旁歷歷可數

瑞安縣

白巖山 萬厯溫州府志在縣治東南又名龍山舊

有白鶴銜花之瑞稱白鹿巖有丹井安泉玉泉洞

錢惟善曉入白巖山詩溪橋低小路縈迴樹裏人家門未開馬上西風涼似雨濕雲吹下白巖來

西峴山 名勝志在縣治西神仙傳梁馬湘卜居西

峴下紫霞常覆其居左右有二十八井上應列宿

栖隱山 嘉靖浙江通志在縣治東北形如鳳舞

集雲山 萬厯溫州府志在縣治正北縣之主山也

跨帆遊崇泰清泉集善四鄉

寶香山 名勝志在縣西南三十里上有浮圖江水

環遠

帆遊山

萬厯溫州府志在縣北四十五里界永嘉

接大羅山

仙巖山

名勝志在城東四十里即大羅山之陽道

書天下第二十六福地上有三皇井巖頂有黃帝

池廣五百餘畝水分八派下有五潭

玉函潭龍鬚潭雷潭梅雨潭

潭三姑潭

高下相屬

候一元游仙巖詩常聞仙巖名今踐仙巖境行聞泉澗喧彌覺春山

靜石門橫中天滾流瀉層嶺濛濛梅雨飛片片雪花冷寂歷鐘磬聲沖融猿鳥影繁纓一以濯頓使

塵慮屏我行涉長途方當嬰簿領對此不敢言令
人忘箕穎顧貞觀游仙巖詩人生幾兩屐邱壑此
耽閒徑折全身樹橋回一面山坐煩移鏡
檻行却掩花闌不盡重游興留詩香靄間

步廊山 太平寰宇記在州東北二百二十里從瑞

安江入遠望如有屋宇之形因而名之見謝公名

山志

雲頂山 萬厯溫州府志大羅支山在崇泰鄉有齊

雲洞漱玉潭雲頂瀑石馬巖三漈潭

岑崎山 萬厯溫州府志在縣東二十里有巨人足

跡山趾有無漏泉

簣簞山 溫州府志在縣西八里昔處士李月泉修
煉於此多種竹故名

陶山 萬歷溫州府志去城西三十五里周回二里
前江後湖梁陶弘景隱此有昇仙壇煉丹石石鼓
洗藥池洞天福地記二十四福地在溫州安固縣
貞白先生煉藥處

許峰山 溫州府志在縣西四十五里嘉靖浙江通

志高數千仞海舶視為方向其支曰鳳岡山

五公山 萬厯溫州府志在縣西三十里世傳梁僧
誌公化公朗公唐公寶公會此故名有五公石石
上有剪尺拄杖跡

巾子山 瑞安縣志在縣西六十五里嘉靖浙江通
志上有七星潭

五雲山 名勝志在縣西一百里唐僖宗時僧令瓚
來居山巔一日有真人乘五色雲降旦日而散郡

上其事勅賜今名

翠微巖 仙巖寺志在巖頭崖側有宋侍郎姚公揆

勒仙巖銘至今存焉

姚揆仙巖銘惟仙之居既清且虛一泉一石可詩可圖

飛雲江 瑞安縣志在縣南門外一名安陽江又名

安固江吳時名羅陽江唐時名瑞安江又名飛雲

渡其源有二一出福建政和縣界一出處州青田

縣

陸游瑞安江詩俯仰兩青空舟行明鏡中蓬萊定不遠正要一帆風

北湖 瑞安縣志在縣北二里發源於集雲山衆流

猶焉

梅雨潭

仙巖寺志兩巖陡削飛流濺沫煙霧濛濛

宛若梅雨

卓敬游梅雨潭詩橫空峭壁瀉飛瀑聲震淵定搖地軸細經氣濕浮太空衝崖

散作珠萬斛源頭直與銀河通半空簸落飛流淙此境定知無炎熱萬壑千巖灑晴雪吳棟登欽梅雨潭上詩逶迤轉深峽清淺歷幽渚空潭生晝寒飛瀑散晴雨轟然振谷響驟雨奪人語壁峙千仞餘藤垂萬年許興到呼一尊莫適為誰主羅坐盤石間秋氣結眉宇杯光瀉天色蕩漾無端緒雲從澗底生翠向波中吐顏

祝忘所懷翩翩欲冲舉

大溪

萬厯溫州府志在縣西一百四十里一名西

溪源出福建政和縣界縈紆數百里至三港入江
東海 溫州府志在縣東十里

平陽縣

昆山 名勝志在縣治西南嘉靖浙江通志雄麗峻
拔為縣城表鎮絕頂有巨石俗名古巖山下有六

洞世稱崑陽蓋指此也

蘇伯衡西枝草堂記平陽縣前自山隆然特立曰昆

山中脊支而為九故又曰九鳳林景熙昆嚴詩神
斧河年鑿南山片石盤玉藏仙筍古翠落縣門寒
老木天邊瘦歸雲雨外殘
市塵吹不到朝夕靜相看

嶺門山 萬厯溫州府志在縣治前其山翼然夾峙

故名

謝靈運游嶺門山詩西京誰修政龔汲稱良吏君子豈定所清塵慮不嗣早蒞建德鄉民

懷虞為意海曲常寂寥空館盈清思協以上冬月晨游肆所喜千圻邈不同萬嶺狀皆異咸惟三山峭瀯汨兩江駛漁舟豈安流撫拾謝西庇人生誰云樂肯不屈所志

仙壇山 晏公類要在縣東五里山頂平石方十餘

丈號為仙壇

林景熙游仙壇山詩古壇仙鶴香野鹿自成羣松氣浮清曉經聲出白雲

石穿僧屋過水到寺門分人世無窮事山中了不聞

新羅山 平陽縣志在縣治南二里有新羅國王廟

在焉故名

錦屏山 萬厯溫州府志在城西一里嘉靖浙江通志形類屏扆四時蒼翠

鳳皇山 平陽縣志在縣東南二里儒學遷其下嘗產紫芝其麓有七絃水

鳴山 名勝志在縣治北形如伏虎穴常有聲西有小山七突立平原名七星山少西有管輅山

林亭山 嘉靖浙江通志在新羅山之南有大石瞰

海登之可望日出

石帆山 舊浙江通志在縣西北十五里

麥城山

麥一作墨

平陽縣志去城南十里枕海上有龍

湫其下為仙口巡司

鳳山 萬歷溫州府志去城西南二十五里下臨長

江綿亘數里舊名錢倉相傳石罅間有錢流出後

厭之遂塞有鳳皇巖醉翁巖望海壇石鼓又有石

洞石上刻魏晉間人紀游又有黃石公洞乃邑人

黃本英栖隱處

羅源山 名勝志在縣西南二十五里橫陽江流其

下

青華山 舊浙江通志在縣西南二十五里名勝志

其頂有湖東有羣仙洞

蓋竹山 平陽縣志在縣西南五十里名勝志上有

華蓋峰下有漱玉泉

樓石山 平陽縣志在城西南五十里周回四十三

里高數十仞遠望如樓閣號三山樓

初學記溫州樓石山三石

並高百丈

杪如劍峰

象灣山

名勝志在縣東三十里山有仙人跡又名

仙灣

將軍山

萬厯溫州府志在城東南七十里相傳昔

越陽將軍屯兵處

鶴溪山

舊浙江通志在縣西六十里

南雁蕩山

南雁蕩山志在縣西南百里嘉靖浙江

通志北自穹嶺南自施巖皆名雁蕩

名勝志五代時僧願齊至

明王峰頂聞雁聲喜曰此山水盡處龍雁所居豈非西域書所謂諾詎羅居震旦雁蕩龍湫者耶因結茅具間山有十三峰三洞二巖又有石門樓石華表釣磯朝陽谷石梁竹坡月窓晴虹澗杜鵑林諸勝夢溪筆談平陽雁蕩唐洎五季時已著樂清雁蕩宋祥符間始有名李光孝游南雁蕩詩興國年間路始開前朝碑臺半蒼苔雁橫宿月知秋到曾踏湫雲看瀑來一嶺未教靈運識萬松誰道了翁載此山曾共秋風約說與山猿不用猜

白雲山

南雁蕩山志一名白雲峰與雁蕩山連周

回二十餘里高插雲漢中有深澗道絕不通巨藤

盤繞其上游人援之以進是曰藤道又有明河澗
玉乳洞白水瀑玉簾瀑寒瀑懸樓諸勝

玉蒼山 萬歷溫州府志在縣西南八十里一名八
面山周回百餘里跨八鄉有華蓋峰華表峰

松山 萬歷溫州府志在縣西南八十里
有丹井丹竈丹白唐真人馬湘與徒王延叟煉丹於此飛昇
嘉靖浙江通志錢令公入閩五子從行嘗宴於此
又名五公山其南曰凝翠山

陽巖山 名勝志在縣南一百里燥溪流其上下接

蘭陽之水別為東西二溪分流注於江入海

羅溪山 舊浙江通志在城西南百里一名西山壁

立千仞橫亘十里

趙汝回宿羅溪山詩鷺嶺東游
霽景微碧桃花下一鶯飛樵夫

不斫垂潭樹知
有僧人掛浴衣

風門嶺 白石樵唱注在平陽西口

林景熙過風門
嶺詩客來自風

門颺颺撼兩袖溪回前峰新畷絕一嶺又行行春
日微怪禽啼白晝流年感花稀古道表松秀聊此

寄小酌餘
酣掬山溜

巖公巖 十國春秋巖永永嘉人初仕南唐避地於
青華山人名其處曰巖公巖

仙姑洞 潘耒南雁蕩游記宋時朱氏女辟穀居此
洞高廣如夏屋屋隅有泉一泓洞左復有一洞如
曲室室後窈黑處深不可窮

橫陽江 平陽縣志在縣西南二十五里舊名始陽
江又曰錢倉江

梅溪 萬歷溫州府志在城西三十里發源蓋竹山

古稱梅源宋林堯民栽梅溪上改今名

寒瀑泉 南雁蕩山志在白雲山兩柱對屹類天台
雙闕而高過之泉注其巔飛流濺沫常如梅雨下
為龍湫

東海 平陽縣志在縣東二十五里北自瑞安榆木
經陡門仙口而南經江口小茄南監邪溪鹽亭又
自鹽亭經大畧王孫蒲門墮項嶺俞山抵福寧烽
火寨橫亘三百餘里而麂山大畧長腰諸山駢列

其中

泰順縣

鳳皇山 名勝志在治後山形起伏疊宕有鳳翔千

仞之勢

萬羅山 萬厯溫州府志在縣治前四畔皆平地孤

峰獨峙

天關山 泰順縣志在縣北一里高聳特異下有龍

湫雲蒸則雨鄉人以此占晴雨焉

地軸山 萬厯溫州府志去城南里許橫鎖水口

陳岱山 萬厯溫州府志在城東三十里有陳岱嶺

飛龍山 泰順縣志在縣東城外蜿蜒陵谷若龍嘯

氣而飛

舞鳳山 泰順縣志在縣西城外坐伏殊態若鳳舞

然

分水山 萬厯溫州府志在縣南二百里與平陽松

山界連泉發隴上東西分派以限閩浙五代吳越

戰守在此山下地名平水達前倉江可通舟

龍鬬山 嘉靖浙江通志在縣東一百二十里

仙山 名勝志在縣南七十里上有巖室祈禱即雨

又三十里為木源山

莒岡山 萬厯溫州府志在縣東七十里

梅庚過莒岡諸嶺詩

下嶺如繩井上嶺若升天
農田在峰頂處處足流泉

文筆峰 泰順縣志在縣南十里卓立如筆鎮水口

古識云文筆鎮水口羅陽出郡守

盧坑嶺 萬厯溫州府志在縣南七十里

滴水巖 萬厯溫州府志在縣東四十里弘治間范
令勉新闢路

雙溪 泰順縣志在三魁橋下錦溪小溪二水合流
仙居溪 萬厯溫州府志在縣西十里

雷分泉 嘉靖浙江通志在三都天湖山之北成化
間旱耕者爭決致鬪忽大風震雷中分其水爭乃
息

謹按泰順之水支派甚多其大而赴海者一自天
湖山東北來一自飛龍山南來俱入城合流過萬
羅山出南城一自天關山西來曰白溪遠城而南
與前水合流至壽寧界入海其通舟楫者一自嶺
北山下東流至瑞安界入海一
自泗溪南流至閩福安界入海

浙江通志卷二十

欽定四庫全書

浙江通志卷二十一

山川十三

處州府

麗水縣附郭

釋山 嘉靖浙江通志在縣西南一里長岡秀隴多生釋木上有孔廟又名廟山

棗山 枯蒼棠紀今郡治在其麓

焚山 枯蒼棠紀在棗山北

皇甫謐過焚山詩張平棲隱處閉戶只脩然心

遠雲林外春歸花鳥先
草間寒積雪竹
下暗鳴泉欲訪辛夷塢
題詩寄輞川

錦山 崇禎處州府志在棗山東北舊多蔣桃柳若

錦繡然

月山 嘉靖浙江通志在莢山西海月初升此山先
得其光

萬象山 枯蒼彙紀在月山西俯臨城邑近挹溪光

城中山之最高者

皇甫謐登萬象山詩蓮城最高處蘭若此中開水見東溪去僧

開西城來鳥啼喧梵座花雨淨
經臺觀萬俱清絕何須得象回

梅山 姜山 名勝志並在東山西南

富山 崇禎處州府志古三皇嶺

麗水縣

城外山川

壽元山 舊浙江通志為郡治鎮山名勝志在北城

外

白雲山 舊浙江通志在府城北十里山頂有鏡心

池

菰藻白雲山詩萬疊巉巖一徑開中間空洞白雲堆陽坡草軟人稀到定有青猿曝背來

靈山 枯蒼彙紀上有靈山寺

劉涇游靈山詩塵土孤城空自忙不知精

舍早秋涼林間磬曲折三里天上金光明滿堂淨
飯打魚剗老木寒灰添火蒸名香鶻鵠山脚溪聲
好流入人
間雨意長

城門山 名勝志踰白雲為城門山永嘉記云城門
山瀑布值風散為雨過日散為青虹

麗陽山 嘉靖浙江通志在縣北七里縣之名麗以
此上有龍潭石室天井下環清溪曰麗陽溪

稽勾山 枯蒼彙紀在壽元北百里崔魏盤繞亘二
十餘里為甌括士民往京省之間道

劉山 枯蒼彙紀宣德間溫守何文淵卻金於此有
司就其地建卻金館

大連雲山 名勝志在縣西南六十里巉巖陡絕上
連雲霄枯蒼彙紀一名沙溪尖與青田小連雲山
相界

大杉源山 崇禎處州府志跨麗水雲和之間山下
有大杉孤梯二潭

木寮山 崇禎處州府志景寧接界

石羊山 太平寰宇記山石如羊有蘭若溪溪有一
穴深數丈

天馬山 枯蒼朶紀山形如馬又如幞頭俗呼幞頭
山北拱縣學

南明山 枯蒼朶紀在府城南七里上有印月池獻
花巖高陽洞石梁朱芾書南明山三字崖刻靈崇

二字乃葛洪隸書

夏後南明山詩枯蒼南明山天
造頗奇絕瀑布灑晴雨石梁度

夜月洞引高陽侶亭表靈崇
碣興來一振衣清風生兩腋

大梁山

名勝志在縣南二十里北跨麗水南跨青

田

巾子山

名勝志在城東十里山形如巾

少微山

舊浙江通志在府城東南十里郡應少微

處士星故以之名郡又以名山舊祀少微星君於

此

劉基少微山詩少微山上太微宮山下樓臺起
半空丹井石牀纏土脈瓊窗翠戶出天風傳聞

仙子時常到應是神霄有路通會
待九秋明月夜高吹鐵笛看青葱

高畬山

枯蒼彙紀去郡西五十里北跨宣平西跨

松陽峯巒攢簇草樹蔚蔚俯視諸山環列如几席
下西山之最高者

鷹鳥山 枯蒼彙紀山有三峯在高畬之南上曰靈
峯中曰翠峯下曰岑峯俱有僧舍林巒秀麗為諸
山冠

風門山 舊浙江通志在府城西三十里枯蒼彙紀
上有三穴深邃風自中出每夜靜月明白氣起自
山麓上徹霄漢

石僧山 舊浙江通志在府城西四里枯蒼彙紀山

有一石狀如癯僧

崇禎處州府志宋紹興間劉大中以兵部尚書出守未幾召還

上問石僧之狀大中對以詩曰雲作袈裟石作身巖前獨立幾經春有人問我西來意默默無言總是真

天王山 方輿勝覽在府城西北隅城壁繞其上有

唐時天王像故名

劉涇天王山詩金壁為家定化城書牀南堰畧相迎人間蝶夢

正深黑天上木魚初發明半里好拳招隱路一枝枯竹助閒行已慙懷絃無高致可更標門著姓名

桃山 崇禎處州府志舊多產桃去郡西五里

小栢山 真誥小栢山即小栢蒼山在永嘉溪橋之
北左慈元放所治栢蒼彙紀衆山環簇狀如蓮花
又名蓮城山徑路盤紆亦名九盤嶺唐宋州治皆
在焉

佛頭巖 舊浙江通志下二十里為青田界

巖崕巖 崇禎處州府志有石洞如屋可坐十許人

劉涇巖崕詩蒼崖如堂石如踞橋梁如繩
水如布下有樵夫踏破雲世間那復知深處

三巖 栢蒼彙紀距城一里踞西山之根宋皇祐間

知州李堯俞名其右曰清虛中曰白雲左曰朝曦
天堂洞 崇禎處州府志距城三十五里上有迎天
堂下有蟄龍洞祈雨輒應縣東山之最高者

碧湖 崇禎處州府志鄉人立市於此以丑辰日集
諸貨物交易邑西一都會也

麗陽溪 枯蒼彙紀在麗陽山下源出練水舊浙江
通志枯城之水止麗陽溪一源溪設二閘旱則開
入溪之水以灌城潦則開入城之水以歸溪

趙汝迓枯

溪停舟詩樹古半成槎溪邊歷歷斜寒林欲無路
小塢不多家去客背流葉停舟見暮鴉朝朝省秋
水頻減
一痕沙

好溪 名勝志即東溪也自縉雲大盆山西流為東
渡東折於大程經石口秋塘諸渡達於洞溪

沿溪 崇禎處州府志在太平渡

洞溪 枯蒼彙紀在東溪東二里

方干洞溪詩氣象
四時清無人畫得

成衆山寒疊翠兩派綠分聲坐月何曾夜
聽松不似晴混元融結後便有此溪名

大溪 名勝志亦名洄溪源自龍泉來入縣界東南

流逕青田至永嘉入海

突星瀨 枯蒼彙紀在縣東四十五里一名惡溪晉
王右軍游惡溪歎其奇絕書突星瀨於石後里人
苦州縣募打之繁推石墮水中

貓兒潭 崇禎處州府志昔有術者檄龍於百尺潭
以禱雨龍奔化為貓入潭故名

石牛潭 枯蒼彙紀一名鏡潭為上游諸邑要津有
通濟橋維舟為梁

縉雲縣

翠微山 名勝志縣治所倚即李陽冰以中峯名之者

金紫山 名勝志在南溪與縣治對麓有毛翁巖宋毛維瞻為尉暇則飲此

湧翠山 名勝志在縣西里許一名西巖

雲塘山 崇禎處州府志在縣北朝京門外

雲峯山 縉雲縣志在縣西五十里巖有飛泉如白

練

大小君子山 崇禎處州府志在縣北十五里

吏隱山 方輿勝覽在州東北五十里瀑布飛泉灑

落三百餘丈上有四井周回四丈枯蒼彙紀一名

霍尊山李陽冰篆吏隱山三字於壁鑿巖為霍尊

而飲之奇跡尚存作忘歸臺霍尊二銘刻於石

李陽

永霍尊銘舉瓢自挹既挹曰再方飲曰舉飲卒曰
罄不再有觥忘歸臺銘疊嶂迴抱中心翠微隔山
見川溝塍如棋環溪石林春迷四時曲成吏隱可
以忘歸來舞尊忘歸臺詩連山積翠深白日空林

廣徵景不逢人
長歌自來往

仙都山

仙都山志古名縉雲山按道書洞天三十

六所仙都第二十九名元都祁先洞天周回三百
里黃帝駕火龍上升處山巔有石屋世傳為洞天
之門史記載縉雲本黃帝夏官之名張守節云括
蒼縉雲縣其所封也太平寰宇記云唐置縉雲縣
又以括州為縉雲郡蓋以其地有縉雲山故也今
縣在山之西二十三里圖經云唐天寶七年六月

八日彩雲起於李溪源覆繞縉雲山獨峯之頂雲
中仙樂響亮鸞鶴飛舞俄聞山呼萬歲者九諸山
皆應自申至亥乃息刺史苗奉倩上其事於朝勅

改今名元豐九域志一名朋峯山

韋翹仙都山銘
亭亭仙都峻極

維嵩屹立溪右削成浙東發地直方摩霄穹崇靈
沼在上祥雲積中目視不及翰飛靡窮軒后攸訪
碧峯是冲萬壽報響九成來空錄作懲止年祈感
通莫高匪慈造化之功曹唐仙都即景詩黃帝登
真處青霄不記年孤峯應礙日一柱自擎天石怪
常棲鶴雲閒若有仙鼎湖看不見零落數枝蓮吳
說仙都山詩佳處從來說鼎湖茲遊直欲到清都
參天玉笋千尋許墮地金蓮十丈無江觀便思眠

一柱海山今喜識方壺直須買
取驚溪網要畫滄洲水墨圖

獨峯山 仙都山志一名仙都石謝靈運名山記云
縉雲山旁有孤石屹然干雲高二百丈頂有湖生
蓮花舊東陽記一名丹峯山

步虛山 仙都山志在仙都山前疊嶂倚空羣峯掩
映又有小峯列如北斗名曰斗巖古老云黃帝常
煉丹於此

好山 仙都山志在仙都山西初陽谷宋紹興間轉

運使李士舉常遊仙都有華屋重重對好山之句

由是得名

李士舉過仙都徐氏山居詩四海無塵戰馬閒稻梁桑柘綠回環不知盡是君

王力華屋重重對好山

大象山 縉雲縣志在縣西南二十里形如卧象

大姥山 崇禎處州府志在縣西南三十五里

姑婦山 嘉靖浙江通志在小蓬萊山之東五里上

有二石相上下又名母子山

萬松山 縉雲縣志在縣東五里山勢盤旋林巒森

秀

括蒼山 崇禎處州府志一名蒼嶺圖經十大洞天

此為第十道書名成德隱真洞天周迴三百里東

跨仙居南控臨海

五岳圖序括蒼山東岳之佐命抱朴子按仙經可以合藥者大

小天台山四望山蓋竹山括蒼山皆是正神在其
中上皆生芝草有道者登之神助為福藥必成劉
昭禹括蒼山詩盡日行方半諸山直下看白雲隨
步起危徑直天盤瀑頂橋形小溪邊釣影寒註成

空太息元

鬚改非難

靈龜山 嘉靖浙江通志在縣東三十五里左曰東

山右曰西山山之中有石狀如龜其背有紋

官山 舊浙江通志在縣東七十里嘉靖浙江通志
接台州境新竹之饒民利賴之

大岬山 縉雲縣志在十四都上有七十二洞界青
田

黃龍山 括蒼彙紀四圍陡絕池水潔清相傳有龍
潛此蓋縣北之控扼也

厯山 縉雲縣志在縣西北四十里有摧車坑架鼓

巖上有舜廟下有龍津

聚山 崇禎處州府志在縣西北二十五里舊傳有龍遺聚於此因名

仁壽山 舊浙江通志在縣西北五十里

瀑布山 崇禎處州府志在縣北三十五里飛泉灑落二百餘丈

葛竹山 枯蒼彙紀在縣西北五十里世傳葛洪煉丹於此遺筆化筭成竹人取其筭可書數十字

大盤山 崇禎處州府志在縣東北一百二十里水
源從此出與東陽界

小仙都山 澄懷錄縉雲南峯之東謂之小仙都有
二石如人形俯而相先後俗呼新婦石

小蓬萊 仙都山志在仙都之西潭心有小島上多
怪石奇樹潭之南有石壁高可百仞四明樓鑰大
書小蓬萊三字刊於壁以亭覆之

岱嶺 崇禎處州府志在縣北一里嶺左之水流於

好溪厯麗水青田以達溫州入海嶺右之水流於
龜溪厯永康蘭谿以達杭州入江

三嶺 崇禎處州府志在縣西南三十五里麗水界
高峻難陟明耿再成築寨於此

焚嶺 崇禎處州府志在縣西北四十里界於武義
邑之要害處

馮公嶺 枯蒼果紀善士馮大果所鑿宋楊億比於
蜀劍閣云

謝公巖

縉雲縣志在縣南五里謝靈運常遊此故

名

徐德輝初夏游謝公巖詩又取紗衣換天時起
細風清陰花落後長日鳥啼中水國乘舟樂巖

扉有路通州民多
到此猶自憶驛公

仙榜巖

崇禎處州府志在縣東十五里峭壁千仞

色頰一名小赤壁

隱真洞

仙都山志在步虛山巔巖石玲瓏宛若窗

牖唐劉隱真先生修煉之所

仙水洞

仙都山志在步虛山麓郡志一名鏡巖唐

周景復先生修煉之所

陸龜蒙寄題鏡巖周尊師所居詩見說身輕鶴不如

石房無侶共雲居清晨自削靈香杵獨夜空吟碧落書下洞飛精應適吸一簪秋髮未曾梳知君便

入懸珠會早晚來騎白鯉魚

初暘谷洞

仙都山志在仙都山西有石室洞房虛

敞可居以東向先得日故名崖上有三大字或云

李陽水篆

金龍洞

仙都山志在步虛山東深不可測道家所

稱洞天者此也宋天禧四年投金簡於中

阮容洞 嵇蒼彙紀在縣治東一百五十里唐李陽

永題洞額鐫於石上

歐陽修李陽永題洞額鐫石跋阮容者不見其名氏蓋籍

雲之隱者也陽永篆字世傳多矣此磨滅而僅存尤可惜也

鼎湖 仙都山志即獨峯頂上湖也常生蓮花按唐

宋以來名公題咏並以鼎湖稱之

好溪 崇禎處州府志在縣治前源出大盤山山橫

亘縉雲東陽永康仙居四縣源深流長厯麗水達

溫州輿地廣紀處州惡溪舊多水怪唐刺史段成

式有善政怪自去改名好溪

鍊金溪 仙都山志源出大盆山至仙都則名鍊金
水中有石與獨峯之根連續一片其平如砥兩岸
相望濶三十餘丈而水深僅尺許唐隱真先生元
墟志曰鍊金溪畔足以濯纓則鍊金之名古矣

管溪 縉雲縣志在縣東七十里

百丈潭 崇禎處州府志在縣東一百二十里有三
潭周回皆石各百餘丈水深莫測巖瀑瀉練時有

龍潛昔周闔黎取雨於此曾有神應

金花潭

仙都山志在練溪暘谷洞前世傳鼎湖金

蓮瓣落此

赤壁潭

崇禎處州府志在縣東六十五里即巖門

潭南旁有巖壁峻百仞廣半里餘下有茂林堪憩
宋人鐫小赤壁三字於巖上

青田縣

青田山

嘉靖浙江通志在縣西北一里舊經云葉

法善棲此學道田產青芝故名上有試劍石下有洞可容數人石壁上刺混元峯三字未詳何人書也前有井乳泉湧出不竭

錦屏山 枯蒼景紀在縣西三里青田縣志狀如屏湧泉山 青田縣志在縣東一里

東寶山 嘉靖浙江通志在湧泉山東八里又曰文筆山

披雲山 舊浙江通志在縣南五里崇禎處州府志

高數百丈若雲翔波湧勢

大鶴山 枯蒼彙紀在城北二十里所謂第十三洞

天也周回五百里永嘉記云青田有雙白鶴年年
生子子長飛去又道書載元鶴洞天在處州青田
許白雲集青田大鶴洞有葉法善試劍石舊有元

鶴巢於上復有青牛在下

許謙青田大鶴洞詩榕影扶疎路九迴仙家那

復著塵埃山間田在牛終隱石上巢空鶴不來丹
竈無灰惟白草劍鋒有跡自蒼苔洞中道士今何

處三扣雲

開杳莫開

巾子山 枯蒼纍紀卓立如巾為縣第一高峯絕頂
一覽福台溫處四郡皆在目前上有龍湫祈旱輒
應

金田山 青田縣志在縣北十里下有石井龍湫
南田山 齊浙江通志在縣南一百五十里枯蒼纍
紀下有黃莊樓百丈澌右有吳埠橋古稱七十二
福地南田居其一誠意伯劉公族居此山周二百
里土沃宜稻歲旱豐稔如常

丁公尖山 崇禎處州府志在縣西十里上有龍潭

應台山 青田縣志在縣西六十里山脈發自天台

石蓋山 青田縣志在縣西六十里二山峙立中有

大石橫覆其上下可容數十人因名

石佛山 舊浙江通志在縣西五里濱溪有高石二

丈餘其狀如佛

大小連雲山 青田縣志在縣西南一百二十里

石樓山 枯蒼彙紀在縣西七十里雲霧擁結狀若

樓臺

葱陽山 青田縣志在縣西五十里極峻險

占陽山 舊浙江通志在縣西一百里

芝溪嶺

一名天梯嶺

崇禎處州府志崎嶇險峻人馬難

行寺僧仁達募工改築

石門洞 方輿勝覽在縣南七十五里兩峯壁立高
數十丈相對如門因名有瀑布直瀉至天壁凡三
百尺自天壁飛灑至下潭凡四百尺枯蒼彙紀宋

永嘉太守謝靈運躡屐來游始開此洞

謝靈運石門新營詩

躡屐築幽居披雲卧石門苔滑誰能步葛弱豈可
捫嫋嫋秋風過萋萋春草繁美人游不還佳期何
由救芳塵凝瑤席清醕滿金尊洞庭空波瀾桂枝
徒扳翻結念屬霄漢孤景莫與護俯濯石下潭仰
看枝上猿早聞夕飈急晚見朝日暎崖傾光難留
林深響易奔感往慮有復理來情無存庶待乘日
車得以慰營魂匪為衆人說冀與知音論謝靈運
登石門最高頂詩晨策筇絕壁夕息在山棲疏峯
枕高館對嶺臨迴溪長林羅戶穴積石擁階基連
巖覺路塞密竹使徑迷來人忘新術去子惑故蹊
活活夕流駛噉噉夜猿啼沈冥豈別理守道自不
攜心契九秋榦目玩三春萋居常以待終處順故
安悵惜無同懷客共登青雲梯王開平石門洞詩
層崖立水涓絕壁萬絲垂長是烟雲護不分晴雨

時嵐多琳宇濕苔滑石橋危得句停舟寫春衫潤
不知林景熙石門洞詩臨溪雙石如層城中有洞
天門不扃杖藜穿莎入微徑石藤絡樹春冥冥渴
猿引子下飲澗山瓢我亦分清冷一重一掄翳復
朗朱門金榜開殊庭衆峯環拱受約束何年神造
驅五丁縹緲樓臺鐘磬寂薜荔紛披窗戶清黃冠
羽服者誰子瓊臺坐閱南華經客來揖坐松下石
呼茶細瀹枸杞靈笑遣青衣導予步峯迴路轉銀
河傾初看絕壁走雲霧倏聽萬壑驅風霆不知何
代擘青峽明珠萬斛皆龍腥欲喚琴高借仙鯉濛
濛山雨吹孤亭顧瑤再游石門洞詩蒼然枯東山
百里紫青碧石門忽中斷窈窕開仙宅遙窺日月
深却轉烟霧隔中天屹樓居星斗挂几席芳巖眩
綺繡叢巖囿蒼壁山鬼不避人驚猿嘯窺客披榛
上孤亭奇觀壯心魄穹厓倚天懸瀑水半空射高
流橫雜佩直下垂足帛分作四山喧散為千頃澤

初冬天未寒晨曦映嵐赫重來意彌眷獨往任所
適信美愜心期胡為老行役終然脫塵網高舉凌
朔風

青田溪 元和郡縣志在縣西南十八里

沐鶴溪 名勝志在縣西南五十里出於鶴口嶺經
白巖至大郎回小郎回為浣紗溪

浣紗溪 枯蒼彙紀宋謝靈運游石門入沐鶴鄉有
二女浣紗嘲以詩二女忽不見

松陽縣

邵山 尖山 玉豆山 栝蒼彙紀在縣治北五里

三峯聯合狀若筆架縣之鎮山也

西屏山 嘉靖浙江通志在縣西一里上有靈霄臺
半月泉旁有望松嶺

紫金山 石笋山 舊浙江通志俱縣西五里松陽

縣志石筍山雙峯對峙石磴千尋峭拔如筍下臨

大溪

射棚山 舊浙江通志在縣東十五里形類射棚

馬鞍山 舊浙江通志在縣西四十八里括蒼彙紀

如馬鞍狀橫截水口陟其巔可遠瞰郡城

七寶山 舊浙江通志山北舊出礦今絕

南洲山 崇禎處州府志山下有渡

獨山 括蒼彙紀在縣治南永嘉記云其山孤峙旁

無連接故名一名百仞山

沈晦游百仞山詩山頭白雲如擘絮竹雞無聲

鳩喚婦國國朝日上林梢寒食梨花溪口路一峯獨秀橫溪陰青林倒影千丈深上有白龍蟄幽洞歲早往往能為霖如今寂寞空山裏古屋荒壇冷紅紫會看前度種花人他年來作巢居子

戴火山

枯蒼嶺紀即留明洞山多奇勝有戴火山

廟

箸寮山

松陽縣志在縣西南一百四十里

烏礮山

枯蒼嶺紀舊出銀冶今塞

蟾湖山

崇禎處州府志高四千仞正統間鄉人築

寨於此

石印山

枯蒼嶺紀有義和橋凡四十八座

道觀山

枯蒼嶺紀中有叢石如林有小桃源桃核

洞臥雲巖浴丹井

九芝山

松陽縣志在縣西南十五里崇禎處州府

志山曾產芝九莖

南巖山

崇禎處州府志在縣南十里名勝志幽勝

甲一邑東有石筍高四五丈泉出石坎名馬蹄泉

橫山

名勝志在縣南十里如雲橫空中高三百丈

上方山

松陽縣志在縣西五里唐進士毛雲龍煉

丹於此泉出巖中大旱不竭傳曰煉丹井

沈晦上方山居

詩天畔羣山一草亭半溪花雨烟冥冥老翁投老
得此景日與溪山同醉醒此生真與世相忘投老
生涯寄上方洗足關門枕
書睡連山松檜雨浪浪

卯山 名勝志在縣西二十里有怪石如松有枝葉

唐葉法善家於此

吳天澤卯山詩丁字碑殘驚夢
筆卯山丹旆建元壇猶餘瓦下

仙槎子留與
人間作石看

酉山 名勝志與卯山對各以方向為名亦法善往
來處也

石甕山 松陽縣志在縣西四十里旁無聯屬若石

巽然

長松山

枯蒼彙紀因以名縣一名牛首山上有龍

潭有九雲峯葉法善解化於此

南嶺

崇禎處州府志最稱險峻西南一阨塞也橫

溪之水出焉

望松嶺

名勝志在縣治西一里舊傳王羲之望松

於此

雲巖

名勝志在城西一里有石洞洞口有臥龍岡

烈婦巖 崇禎處州府志正統末鄉人避寇於此守
寨人何志福通賊破之婦女多投巖死故名

松陽溪 枯蒼彙紀上有界首橋及渡下有觀口上
下二橋及觀口渡金梁渡有響巖橋至堰首會龍
泉水經郡城達青田入於海

白龍津 名勝志在蟾峯山麓

遂昌縣

瑞山 嘉靖浙江通志在縣治南半里舊有紫雲盤

結於上人謂瑞氣故以名山有井曰煉丹井右為
尖山左為塔山宋縣令朱元成因尖山率隸建塔
於土鼓壇之上曰雙峯塔與尖山對峙因名塔山

白馬山 崇禎處州府志在邑西二十里又名丁公

山相傳昔有丁公家山下喜跨白馬歿為神故名

君子山 一名城山 栢蒼彙紀在縣治西南百步山麓多

士夫家故名

妙高山 遂昌縣志在邑西秀麗峻拔蓋縣之近而

尊者

屏風山 枯蒼彙紀妙高山西南狀如玉展

曾山 崇禎處州府志在縣西十里名文筆峯俗名

尖山

魚袋山 名勝志瑞山之次崇禎處州府志象雙魚

袋故名

西明山 名勝志在縣東十里巉巖峻絕下臨大溪

青城山 枯蒼彙紀上有飛瀑龍井相公巖玉女芙蓉

蓉二峯

湯顯祖青城山詩萬仞飛泉挂石龍青城如霧洗芙蓉自非仙令鳴琴罷誰瞰秋窗

玉女峯

唐山

嘉靖浙江通志在縣北一十八里山北二峯

如卓筆相向又名羅漢峯五代時僧貫休所居菴北有淵廣五畝有虎跑泉澄澈不竭一名虎邱

飛鶴山

遂昌縣志在縣東一里山形似鶴張翅迴

翔

平昌山

枯蒼粟紀在縣東十五里兩山前後相疊

形如昌字縣名本此

尹公山 遂昌縣志在邑東三十里與百丈巖相連
隋大業中有尹姓者煉丹於此因名

牛頭山 名勝志與松陽接境遂昌縣志峯巒層疊
有九又名九雲山

月山 嘉靖浙江通志在縣西四十五里狀如月與
瑞牛山相對

湖山 名勝志在縣北七十里尖峙溪口

獨山 崇禎處州府志在縣西八十里一名天馬山

一名赤壁山

徐應亨蜀山詩峻嶒見獨山鼓楫向西灣噴雪灘聲急留雲石色斑峯迴

頻指點徑仄斷躋攀轉憶滇陽峽徘徊積翠間

大樓巖 枯蒼稟紀在縣西飛瀑四時不絕冬則凝

結倒懸如玉浮圖下為龍湫者三十六奇勝為一

邑冠

王養蒙登大樓巖詩獨立樓巖最上巔萬峯蒼翠落飛泉俯尋玉乳平臨地仰矗銀河直

到天曾有黃龍來聽法豈無白鶴下參禪幡然不盡憑虛興三十六泓生紫烟

石姥巖 遂昌縣志絕頂出泉為池有二金鯉魚或

隱或見又有花一株青紅兩色殊為奇絕

侵雲嶺 遂昌縣志在縣北十五里下有馬埠巡檢

司

赤津嶺 崇禎處州府志在邑北六十里山勢峻絕

兩山如門北至衢州龍游

航川 遂昌縣志一名航頭在邑東十里前有深潭

澄澈無底

幘頭潭 方輿勝覽在縣東五里大溪中其狀似之

水洞則見謠言幞頭潭上岸遂昌官一半今溪南
漲沙與山麓等去潭纔數尺而登桂籍者相望

雙溪 名勝志在魚袋山下湖山溪金溪二水合流
達衢州入浙江

梧桐溪 遂昌縣志在邑東三十里永嘉志云梧桐
溪有兩源

雲和縣

鳳皇山 枯蒼彙紀在縣北百里許最為秀拔

鯉魚山

枯蒼彙紀在縣北五十步許狀若魚首有

石室如魚口最為秀拔陟其巔一境形勝可舉目而盡

龜山

雲和縣志在縣東一里穹然巒嶂其狀如龜

象山

雲和縣志在縣東二里環列道旁宛如馴象

婁狗山

崇禎處州府志在縣北二十里為縣鎮山

上有石屋石笋下有清泉旱禱響應

白龍山

名勝志在縣東南五里環拱縣治雲和縣

志山頂有泉出石磴中

靈漈山 枯蒼彙紀在縣東堂宇幽寂瀑布星飛務
溪水出焉

大杉源山 雲和縣志在縣西七十里崇禎處州府
志西為雲和東為麗水

武岱山 雲和縣志在二都枯蒼彙紀中建菴宇旁
有石磴出泉冬夏不絕大雄峯即山之巔為黃家
畬通景龍慶三縣

香火山 雲和縣志在縣東三十里遇旱禱雨多應

安溪巔 名勝志路通景寧兩山叢峽足以按禦

安溪 枯蒼彙紀在縣治南源出東武下流與雙溪
匯至小徐繞獅峯合流於浮雲溪

規溪潭 舊浙江通志達麗水界縣北之襟帶也

龍泉縣

九姑山 枯蒼彙紀在縣治北百餘步昔縣令某九

女葬此因名

石馬山 龍泉縣志距縣一十五里峯巒秀聳為一
邑羣山之祖枯蒼稟紀山巔巨石如馬有文筆秀
才二峯

桃源山 舊浙江通志在縣西二里龍泉縣志天台
之右

佛山 龍泉縣志距縣一十里崇禎處州府志又名
棋山縣治對之

豫章山 嘉靖浙江通志在縣南二十里唐時常產

銅今無下環川流曰豫章川

金鰲山 名勝志在縣東水中巨石擁起其形似之
九漈山 龍泉縣志距縣一百里嘉靖浙江通志巖
高百仞上有龍井者九皆水凝而成名廣袤數丈
深不可測飛瀑九道自巖頂而下或分或合形若
垂簾聲如霹靂以注於壑

匡山

一作篴

枯蒼彙紀在縣西一百二十里匡山之

水出焉宋濂看松菴記龍泉西南百餘里有四旁

奮起而中窪下者狀類窪箕人因號為窪山山多

尋松彌望入雲

劉基苦齋記匡山之巔劍溪水出馬四面峭壁拔起巖壑皆蒼石其

下多白雲其上多北風李羣匡山行仙人休吹紫
鸞笙聽我一曲匡山行青蓮居士讀書處至今石
室丹霞明龍泉西南百餘里四面呼噪翠峯起先
生結菴當畫圖正與匡山景相似屋前屋後皆種
松坐看百尺蒼精龍苔皮深含霜雪古鐵幹返走
風雲從一亭下浸蒼波冷縹緲烟雲成萬頃中有
神魚長比人翠鬢翻動玻璃影一亭上與浮雲齊
碧闌干外青天低分明投壺笑玉女彷彿出海開
金雞東南一亭隱林樾地位清高隔炎熱人間赤
日如火流疎簾琅玕自蒼雪最其秀者環中亭周
遭千朵芙蓉青朝來爽氣落我懷蘿風吹日天冥
冥鶴怨猿驚歸未得繡衣今作青雲客故山回首

五情搖蹄夢時時到寒碧自古山林鐘鼎同先生
况有前賢風少待功成拂衣去入門依舊山花紅

昂山 龍泉縣志距縣三十里枯蒼彙紀青壁聳削

雲霧晦冥

葉子奇昂山記昂山青削入雲霄五月風高雪欲飄應有仙人騎白鶴月明聞

得夜吹簫

鳳皇山 名勝志在縣西四里勢若翔鳳

天台山 名勝志相傳中有小澗桃花片片流出西

北一墟似石非石瑩白可愛其山秀麗挺拔為一

邑勝槩

琉華山 龍泉縣志在縣南七十里枯蒼纍紀高出

境內諸山巔有長湖深不可測下為琉田有青器

窰今廢

石笏山 嘉靖浙江通志在縣西十里以形名又西

十里曰孝義山宋時孝童盧猛居此下有孝義泉

棋盤山 龍泉縣志在縣南三里上有碑石狀如削

成因名

湖臺山 名勝志在縣西南八十里五代梁時邑人

邱鼓採樵入山忽遇澄湖橘林杳非人間見二叟
對奕及還已期年矣

黃鶴嶺 崇禎處州府志晉唐間龍泉號黃鶴鎮者
以此乃縣之鎮山也

武溪嶺 崇禎處州府志龍泉雲和分界於此

白雲巖 枯蒼彙紀上有五顯神廟相傳宋德祐中
幼主過此日暮屯兵其上俾各負溪石為壘壘與
廟至今存管師復隱此人才特盛

劍池湖 龍泉縣志在縣南五里名勝志周三十畝

世傳歐冶鑄劍於此

謹按元和郡縣志載有龍泉湖攷新舊府縣志俱不載入疑即劍池湖也

昂溪 名勝志發源於三徑經桑溪至錦川披雲二

橋匯於大溪

靈溪

一名
槎溪

方輿勝覽在縣東一里崇因薦福院北

其溪夾長洲為兩派里識云沙洲到寺上龍泉出
宰相沙洲到寺前龍泉出狀元後何執中拜相劉

知新釋褐為首蓋符其識云

秦溪 舊浙江通志劍池湖在其陰龍泉縣志下與
蔣溪合流大溪

稽聖潭 崇禎處州府志舊有橋亘縣學水口

慶元縣

霞披山 嘉靖浙江通志在縣治南色如渥丹

象山 名勝志在縣治西北

松源山 崇禎處州府志在下管勢若建瓴

徐應亨
松源山

詩迢遞松源縣盤回翠靄中雪濤噴遠白霜葉墮
疎紅仙境千崖合人烟一邇通隔村聞犬吹疑有

武陵
翁

石壁山 名勝志在縣東十里石筍凌空為邑關阻
巾子山 慶元縣志一名錦山在縣北十里兩峯對
峙佳氣浮空若彩橋熊學宮在其下

薰山 舊浙江通志在縣西十二里嘉靖浙江通志
吐氣如虹與錦山相對芸溪之水出焉薰山相接
曰文筆山圓尖如削稍西曰仙桃山山多桃樹春

花盛開爛若雲錦

天馬山 枯蒼彙紀去城南二里山之近而尊者

溫陽山 舊浙江通志在縣西南六十里

百丈山 枯蒼彙紀距城西三十里懸崖孤峭下有

龍湫相傳為馬氏女棲真所丹成仙去

鳳皇山 慶元縣志在縣西七十里飛翥比翼高入

雲漢

石龍山 崇禎處州府志在縣西北數百步蟠據若

龍伏而再起穎如卓筆因名文筆

粉盒山 金釵山 龜山 鼠山 蓮花山 慶元

縣志在五都各以狀名並鍾奇瑞

橫嶺 舊浙江通志在治東八十里連亘雲中入閩
界

烏石嶺 慶元縣志在縣西十里石壁峭削為邑西
障

安溪 枯蒼梁紀水出挂橋山下

芸溪 慶元縣志在縣北二十五里合槎溪水

梅溪 枯蒼彙紀水過頭陀峽橋趨郡城

景寧縣

桂山 崇禎處州府志在治北山上有突石方正如
印旁生奇木以蔭之自福建壽寧萬里林導家至
此

玉泉山 枯蒼彙紀麓有泉滴巖清瑩如玉故名有
洗心亭邑人胡岳建題曰鶴溪洞天

雅山 景寧縣志在縣西一里上有孤峯特聳遙望

儼若雅立即儒學朝山

香山 枯蒼彙紀對縣之山千巖競秀為一邑勝槩

豸山 景寧縣志在縣西半里其形如豸故名

筆架山 景寧縣志在縣北五里宛若筆架

勅木山 崇禎處州府志高數千仞積雪經旬不消

陳孟素浙勅木山詩尋幽直上最高峯萬仞青邊
一徑通直可低頭看落日真堪垂手數飛鴻蒲塘
沈碧涵秋影石漣生香駭歲功因
過招提歸路晚芒鞋踏破白雲封

石耳山 名勝志在縣南巖高百餘丈上生石耳如
甚人有響巖扣之作聲

石牛山 名勝志在縣南十里崇禎處州府志高百
丈頂有巨石黑色旋伏如牛

洪嶺 景寧縣志在縣北十五里適郡必由之路嶺
最險峻知縣汪士璜開鑿行人便之號嵐頭嶺

烏鐵巖 枯蒼彙紀在治東半里時雨初霽石色如
鐵其第二峯尤陡絕

盧棲洞 崇禎處州府志 唐道人盧敷棲其中

大溪 枯蒼彙紀古浮邱伯沐鶴於此又名沐鶴溪

潘援沐鶴溪詩沐鶴仙人去不還沐鶴溪水清且寒細柳青青照清沚落花點點浮澹澗我來訪古尋仙趾逝者如斯契深理振衣吟嘯過芳洲綠陰白鷺驚飛起

塵溪 景寧縣志在縣南二里宋秦少游訪墨法師於此

大漚灘 枯蒼彙紀東下五十里大石錯立形如犬牙水行峽中如雷下有獨石高四五丈屹立湍流

中知縣鍾夏嵩就山水之峽築隆滙關以為防禦

宣平縣

占鰲山 嘉靖浙江通志在縣北一里

台山 嘉靖浙江通志在縣北二十里層巒疊嶂迴
出諸山前有松溪後有桃溪山界於中二水夾而
西下又折而西十里曰礮坑山

樓臺殿閣山 崇禎處州府志其狀儼肖

墨山 枯蒼彙紀在縣治東五十五里高聳千仞其

色如墨

栗山 名勝志在城西四里環山二水左曰午溪右曰申溪皆以方位名

歐溪山 枯蒼彙紀在縣東五十五里相傳古歐冶子鑄劍於此

天馬山 崇禎處州府志在縣南十里

白馬山 枯蒼彙紀在縣西五里上有石室室中有石擊之鏗然有聲

楓樣山 枯蒼彙紀在縣西一十五里山頂有唐葛
周廟名勝志三峯錯峙四面峻絕

俞高山 玉巖山 舊浙江通志俱縣南六十里

竹客山 崇禎處州府志又名寨頭可防禦松陽縣
分界

槁嶺 枯蒼彙紀在縣治南越此為麗水界

錄符巖 崇禎處州府志俗傳葉法善埋錄符於此

東巖 枯蒼彙紀在縣西五十里四面陡絕惟一徑

捫蘿可入一名赤樓山

西巖 枯蒼彙紀又西四十步與東巖對峙唐袁晁

宋方臘之亂郡人避此獲免

何鏐西巖記海內稱十大洞天枯蒼居其

一環枯蒼千里內名山川以什數惟青田之石門為最勝縉雲之仙都為最奇而穹窿嵒起中嵌洞穴怪偉環峙莫過於宣平之東西兩巖

白泄巖 崇禎處州府志一名雲巖高百餘丈一徑

可拔蘿而上正統間寇亂鄉人避難於其巖

錄溪 枯蒼彙紀發源於曳嶺至洗灘會馬村水

焚溪 枯蒼彙紀在縣治西自礮坑出大溪口達麗
玉環

玉環山 太平寰宇記一名木陋嶼又名地肺山在
海中週五百餘里去郡二百里上有流水潔白如
玉因以為名按登真隱訣云郝司空先立別墅於
此東晉居人數百家至今湖田見在洞天福地記
山為第七十一福地在溫州樂清縣台州府志一
名木榴山避錢王諱改今名

國朝雍正八年浙江總督臣李衛題請展復奉

旨設立同知一員築城於其上

謹按晉書地理志孝武帝寧康二年分臨海郡永寧縣置樂成縣宋屬永嘉郡後廢置不一至五代吳越時改為樂清今玉環山在太平樂清兩縣界海中

中青山 玉環志半在城內

東青山 玉環志半在城內

西青山 玉環志在城外

靈山 台州府志在楚門港中與玉環山相接連

潘伯

修靈山詩玉環諸山靈山深環以大海根太陰空
背水碧淡相映散為風露來蕭森嗟予賦命落台
鴈調笑魚鳥成滯淫南遊華蓋動連月勝地在近
徒歎歎風帆輕渡不再宿綬裏長劍理青琴種榆
瓊田中吹笙玉山岑吾將於
茲養年命岐路四斷誰能尋

筆架山 玉環志在西潭

仙人山 玉環志舊有寨城週五里今廢城址猶有

存者

龍尾山 玉環志山巖內有巖方八尺周三大餘號

印巖

錦屏山 玉環志山頂有巖方如巾又名方巾山

分水山 玉環志樂清太平分界處

牛頭山 玉環志抵海十餘里前有溪名大密溪

高椅山 玉環志抵海二里前有溪名小密溪

尖巖山 玉環志抵海五里前有溪名小溪

考功山 玉環志舊有臺寨今址存抵海二里

木岡山 玉環志上有龍潭能興雲雨

虎叉山 玉環志山有鐵樹二株每踰四五年一發

至今不改

金竹山 太平縣志在玉環鄉俗呼竹岡

大烏山 小烏山 溫州府志俱在海中

雞冠山 玉環志一名長嶼山在海中

花巖嶼 玉環志在白沙屏

百丈巖 玉環志在蘆嶼

女兒洞 玉環志在漩門

流沙洞 玉環志在沙嶼


天開河 在玉環城外

國朝雍正八年浙江總督臣李衛題請展復玉環山奉
俞旨允行將築城垣七月初一日暨二十一日兩次雷
雨滂沛衝開一河直通後垵浦長一千三百二十
大濶約二三丈許載石之舟直抵城下商民舟楫
可通兵船出哨甚捷仰見

聖德感孚為千古未有之嘉祥也

龍潭 玉環志在大理畧東北叢山峻嶺中有大溪

溪水入潭深遂莫測



浙江通志卷二十一